

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 02 » հոկտեմբերի 2019թ.

N 37/58

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևան քաղաքի Ավան վարչական շրջանի ղեկավարի աշխատակազմի աշխատակից Վ. Մարգարյանի կողմից 13.09.2019 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի (այսուհետ՝ Օրենսգրքը) 157.15-րդ հոդվածի 2-րդ և 3-րդ մասերով նախատեսված վարչական իրավախախտում, մասնավորապես՝ կառուցապատող Դավիթ Սերոբի Եղիազարյանի կողմից Ալմա-Աթայի փողոցի հ. 30/9 հասցեում բնակելի տան և պարսպի կառուցման համար նախատեսված շինարարական հրապարակը պատշաճ կազմակերպված չէ՝ բացակայում է շինարարական հրապարակը սահմանազատող ցանկապատը և իրազեկող ցուցանակը, որի վերաբերյալ 13.09.2019 թվականին կազմվել է վարչական իրավախախտման վերաբերյալ թիվ 030644 արձանագրությունը (այսուհետ՝ Արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Կառուցապատող Դավիթ Սերոբի Եղիազարյանը ծանուցված լինելով 02.10.2019 թվականին կայանալիք գործի քննության տեղի և ժամանակի մասին չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքում ուսումնասիրվեցին արձանագրությունը, շինարարության թույլտվությունը, շինարարական հրապարակի կազմակերպման սխեման, անշարժ գույքի նկատմամբ իրավունքի պետական գրանցման վկայականի պատճենը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 19.09.2019 թվականի հ. 19/88296 գրությունը և իրավախախտման լուսանկարները:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ կառուցապատող Դավիթ Սերոբի Եղիազարյանի կողմից Ալմա-Աթայի փողոցի հ. 30/9 հասցեում բնակելի տան և պարսպի կառուցման համար նախատեսված շինարարական հրապարակը սահմանազատող ժամանակավոր ցանկապատը և իրազեկող ցուցանակը պատշաճ կազմակերպված չէ, շինարարական հրապարակից դուրս ապահովված չէ սանիտարական վիճակը՝ մաքրության պահպանումը, առկա է կառուցապատվող օբյեկտում և դրա շրջակա տարածքում շինարարական աղբի, շինարարական նյութի կուտակումներ, ինչպես նաև ապահովված չէ հետիոտնի անվտանգության ապահովման պայմանները, որով թույլ է տվել Օրենսգրքի 157.15-րդ հոդվածի 2-րդ և 3-րդ մասերով նախատեսված իրավախախտում:

2. Վարչական ակտ ընդունելու հիմնավորումը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 157.15-րդ հոդվածի 2-րդ մասի համաձայն՝ կառուցապատողի կողմից աշխատանքների իրականացման ընթացքում փողոցների երթևեկության և հետիոտնի անցումների անվտանգության ապահովման պայմանները չպահպանելը՝ առաջացնում է տուգանքի նշանակում՝ սահմանված նվազագույն աշխատավարձի հիսնապատիկից մինչև հարյուրապատիկի չափով:

Օրենսգրքի 157.15-րդ հոդվածի 3-րդ մասի համաձայն՝ կառուցապատվող օբյեկտներում շինարարական հրապարակների տարանջատման ու սանիտարական վիճակի ապահովման պայմանները չպահպանելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 157.15-րդ հոդվածի 2-րդ և 3-րդ մասերով, 219.1-րդ, 281-րդ և 282-րդ հոդվածներով, Երևանի քաղաքապետի 23.08.2013 թվականի թիվ 4180-Ա որոշմամբ (փոփոխ. 01.08.2017 թվականի թիվ 2645-Ա)՝

ՈՐՈՇԵՅԻՆ

1. Կառուցապատող Դավիթ Սերոբի Եղիազարյանին Օրենսգրքի 157.15-րդ հոդվածի 2-րդ և 3-րդ մասերով ենթարկել վարչական պատասխանատվության՝ նշանակելով վարչական տույժ 100.000 (հարյուր հազար) ՀՀ դրամի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035495085 հաշվին:

3. Սույն որոշումը կարող է բողոքարկվել վարչական և դատական կարգով՝ որոշումն ուժի մեջ մտնելուց հետո երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱԽԱՆՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԵՐ ՊԵՏ՝



ԱՆԴՐԱՆԻԿ ՄԱՐՏԻՐՈՍՅԱՆ